

Vladajuće i opozicione stranke zajednički djeluju u interesu BiH

Visoki predstavnik, Paddy Ashdown, je pozdravio današnju zajedničku deklaraciju koju su potpisale sve političke stranke zastupljene u Zastupničkom domu BiH u kojoj su izrazili svoju spremnost za postizanjem konsensusa u cilju prijema u članstvo Evropske unije i Partnerstva za mir NATO Saveza.

“To pokazuje da se političari BiH mogu ujediniti kako bi osigurali svijetliju, evropsku budućnost za sve građane”, rekao je visoki predstavnik. “Ova zajednička platforma, koja po prvi puta ima podršku vladajućih i opozicionih stranaka u BiH, daje nadu milionima građana BiH koji vaze za tim da njihovi politički lideri prevaziđu uske stranačke i političke razlike u interesu građana BiH u cjelini, te njihove prosperitetnije budućnosti.”

“Čestitam Nikoli Špiriću na iniciranju ove deklaracije, kao i svim stranačkim liderima koji su je potpisali na njihovom vizionarskom i konstruktivnom pristupu. Međutim, kako građani BiH znaju bolje od bilo koga drugog, ipak se djela računaju a ne riječi, i ja se nadam da će uslovi Sporazuma o stabilizaciji i pridruživanju Evropske unije i članstvo u Partnerstvu za mir NATO Saveza dovesti do istinskog, obnovljenog političkog zaleta.” Visoki predstavnik je rekao je da će se prvi test “dogoditi sutra kada Vijeće ministara bude razmatralo paket zakona za borbu protiv kriminala u BiH, uključujući mjere koje će obezbijediti postojanje državne policijske agencije koja će biti stanju da se bori protiv organiziranog kriminala, kao što je to slučaj u svim evropskim zemljama.”

Zajedničku platformu potpisale su sve vladajuće i opozicione

stranke zastupljene u Parlamentu BiH. U Sporazumu, svi lideri političkih stranaka zastupljenih u Parlamentu su se obavezali na spremnost iznalaženja konsensusa u cilju postizanja članstva u Evropskoj uniji i Partnerstvu za mir. Rokovi za završetak reformi koje BiH mora provesti u cilju prijema u Partnerstvo za mir, i započinjanja pregovora sa Evropskom unijom o potpisivanju Sporazuma o stabilizaciji i pridruživanju, predviđeni su za juni ove godine. BiH mora ispuniti ove rokove ukoliko želi dokazati da ozbiljno pristupa izgradnji svoje evropske budućnosti.

Visoki predstavnik će se sastati sa gosp. Špirićem kako bi mu čestitao na ovoj inicijativi, te dobio praktične informacije o tome na koji način će ova platforma podržati i ubrzati usvajanje reformi u proceduri Vlade i Parlamenta BiH.